

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI NA SABA

KIKAO CHA PILI

06 NOVEMBA, 2019



ORODHA YA SHUGHULI ZA LEO

MKUTANO WA KUMI NA SABA

KIKAO CHA PILI – TAREHE 06 NOVEMBA, 2019

I. DUA:

II. HATI ZA KUWASILISHA MEZANI:

WAZIRI MKUU:

Taarifa ya Hali ya Dawa za Kulevya ya Mwaka 2018.

WAZIRI WA FEDHA NA MIPANGO:

Taarifa ya Utekelezaji wa Miradi ya Maendeleo kwa Kipindi cha Mwaka 2016/17 hadi Robo ya Kwanza 2019/20.

III. MASWALI:

OFISI YA WAZIRI MKUU:

14. MHESHIMIWA MAKAME MASHAKA FOU M (KIJINI):

Atamuuliza Mheshimiwa Waziri Mkuu:- Sheria ya Watu Wenye Ulemavu imeainisha haki za msingi ikiwa ni pamoja na haki ya ukalimani

katika maeneo ya utoaji huduma kama vile Hospitali, taarifa za habari, Shuleni n.k:-

Je, Serikali inachukua hatua gani ili kuharakisha utekelezaji wa Sheria hiyo.

15. MHESHIMIWA ANNE KILANGO MALECELA (KUTEULIWA):

Atamuuliza Mheshimiwa Waziri Mkuu:- Tarehe 8 Machi, 2019 Mheshimiwa Rais Dkt. John Pombe Magufuli alipokuwa Ikulu kwenye dhifa ya Mabalizi wanaowakilisha nchi mbalimbali hapa nchini aliutamka mwaka 2019 kuwa ni mwaka wa uwekezaji:-

Je, Serikali imejipangaje katika kutekeleza tamko hilo muhimu sana.



OFISI YA RAIS (TAMISEMI):

16. MHESHIMIWA GEORGE MALIMA LUBELEJE (MPWAPWA):

Atamuuliza Mheshimiwa Waziri wa Nchi, Ofisi ya Rais (TAMISEMI):- Soko la Mji wa Mpwapwa ni dogo, limechakaa na halifanani kabisa na hadhi ya Mji wa Mpwapwa ambao idadi ya watu ni zaidi ya laki moja:-

Je, Serikali ina mpango gani wa kusaidia ujenzi wa soko jipya na la kisasa katika Mji huo.

**17. MHESHIMIWA SALOME WYCLIFFE
MAKAMBA (VITI MAALUM):**

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, kuna sababu gani za kitaalam zinazosababisha Walimu wa Shule za Sekondari kuhamishiwa Shule za Msingi wakati ufaulu kwa Shule za Sekondari kwa masomo ya Sanaa upo duni.

**18. MHESHIMIWA KABWE RUYAGWA ZITTO
(KIGOMA MJINI):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Katika kutekeleza mpango wa kutuma fedha za elimu moja kwa moja Mashuleni Serikali hutuma Shilingi bilioni 18 kila mwezi kwenye akaunti za Shule nchini kwa mujibu wa maelezo ya Viongozi kwa Umma:-

- (a) Je, Serikali imeshatuma kiasi gani cha fedha kati ya Januari – Desemba, 2016, 2017 na 2018 kwenda kwenye Shule nchini;
- (b) Je, Serikali imefanya ukaguzi wa matumizi ya fedha hizo na kama zilizotoka Hazina zilifika kwenye Shule husika; Je, Serikali ipo tayari kuleta Bungeni Ripoti za Ukaguzi huo;

- (c) Kama Serikali haijafanya ukaguzi huo; Je, ipo tayari kuagiza ukaguzi maalum utakaofanywa na CAG na kuweka Taarifa ya Ukaguzi huo.

OFISI YA RAIS (UTUMISHI NA UTAWALA BORA):

19. MHESHIMIWA OMARY AHMAD BADWEL (BAHI):

Atamuuliza Mheshimiwa Waziri wa Nchi, Ofisi ya Rais (Utumishi na Utawala Bora):- Kwa muda mrefu sasa baadhi ya Wananchi wamekuwa wakinufaika na mradi wa TASAF ambao kwa kiasi umekuwa ukifanya vizuri; aidha mradi huo umefikia Vijiji vichache tu na Vijiji vingine bado havijafikiwa na Serikali iliahidi kuwa Vijiji vyote vitanufaika na mradi huo:-

- (a) Je, ni lini sasa Serikali itatimiza ahadi yake ya mradi wa TASAF kufikia Vijiji vyote nchi nzima;
- (b) Kumekuwa na utaratibu kwa baadhi ya Viongozi kukata fedha za walengwa wa TASAF moja kwa moja kwa kuwakatia Bima, michango mbalimbali ya Vijiji n.k. bila ridhaa yao; Je, Serikali inatoa kauli gani kuhusu jambo hilo.

WIZARA YA MAMBO YA NDANI YA NCHI:

20. MHESHIMIWA ANGELINA ADAM MALEMBEKA (VITI MAALUM):

Atamuuliza Mheshimiwa Waziri wa Mambo ya Ndani ya Nchi:- Majanga ya moto yamekuwa yakitokea mara kwa mara hasa Viwandani, Majumbani na katika majengo ya Serikali:-

- (a) Je, Serikali ina mkakati gani wa kutoa mafunzo kwa Wafanyakazi na Wananchi juu ya mbinu za kujihami na kujiokoa katika majanga ya moto;
- (b) Je, Serikali imejipangaje katika kutoa mafunzo katika maeneo ya kazi na Wananchi juu ya matumizi ya mitungi ya kuzima moto (*Fire Extinguishers*);
- (c) Je, Serikali ina mpango gani wa kukagua mitungi hiyo kama bado inafaa kwa matumizi au imeshapita muda wake wa kutumika.

WIZARA YA NISHATI:

21. MHESHIMIWA MUSSA BAKARI MBAROUK (TANGA MJINI):

Atamuuliza Mheshimiwa Waziri wa Nishati:- Tanzania ina jumla ya Majiji 6 ikiwemo Jiji la Tanga; katika Majiji hayo kuna maeneo ambayo yako nje ya Jiji ambayo ni Mitaa, Vitongoji na

Vijiji (*Perry Urban*); Kitengo cha *Perry Urban* kimekabidhiwa jukumu la kusambaza umeme wa REA III katika Majiji:-

Je, ni lini *Perry Urban* itaanza kusambaza umeme katika Jiji la Tanga.

22. MHESHIMIWA BERNADETHA KASABAGO MUSHASHU (VITI MAALUM):

Atamuuliza Mheshimiwa Waziri wa Nishati:- Mkoa wa Kagera una Vijiji 134 ambavyo havijafikiwa na umeme wa REA; Biharamulo Vijiji 29, Bukoba Vijiji 9, Karagwe Vijiji 8, Kyerwa Vijiji 31, Misenyi Vijiji 5, Muleba Vijiji 25 na Ngara Vijiji 27:-

- (a) Je, ni lini Serikali itapeleka umeme wa REA katika Vijiji hivyo;
- (b) Umeme wa REA ulifika kwenye Vijiji vingi lakini haukusambazwa; Je, mradi wa ujazilizi utaanza lini Mkoani Kagera ili Wananchi waliorukwa wapatiwe umeme.

WIZARA YA UJENZI, UCHUKUZI NA MAWASILIANO:

23. MHESHIMIWA SYLVESTRY FRANCIS KOKA (KIBAHA MJINI):

Atamuuliza Mheshimiwa Waziri wa Ujenzi, Uchukuzi na Mawasiliano:- Serikali inajenga njia ya barabara nane kutoka Ubungo hadi Kibaha:-

Je, barabara hiyo inaishia eneo gani la Mji wa Kibaha.

24. MHESHIMIWA JOSEPHINE JOHNSON GENZABUKE (VITI MAALUM):

Atamuuliza Mheshimiwa Waziri wa Ujenzi, Uchukuzi na Mawasiliano:- Maeneo ya mipakani katika Wilaya za Kakonko, Kibondo, Kigoma Vijijini, Buhigwe na Kasulu yanakabiliwa na tatizo la mawasiliano ya simu kutokana na kukosekana kwa minara ya simu:-

Je, ni lini Serikali itajenga minara ya simu katika maeneo ambayo hayana minara Mkoani Kigoma ili kuondoa tatizo la mawasiliano kwa Wananchi.



WIZARA YA VIWANDA NA BIASHARA:

25. MHESHIMIWA DEOGRATIAS FRANCIS NGALAWA (LUDEWA):

Atamuuliza Mheshimiwa Waziri wa Viwanda na Biashara:- Kumekuwa na uhakiki wa mara kwa mara wa maeneo ya Watu waliopisha miradi ya Mchuchuma na Liganga:-

Je, ni lini Wananchi hao waliopisha na kutoa maeneo yao watalipwa fidia.

26. MHESHIMIWA USSI SALUM PONDEZA (CHUMBUNI):

Atamuuliza Mheshimiwa Waziri wa Viwanda na Biashara:- Kumekuwa na malalamiko ya bidhaa zinazozalishwa Zanzibar kupata vikwazo kuingia katika Soko la Tanzania Bara:-

- (a) Je, Serikali imechukua hatua gani kuondoa tatizo hilo katika kulinda misingi ya Muungano hasa baada ya maziwa na sukari kuwekewa vikwazo zaidi;
- (b) Je, Zanzibar inaweza vipi kutumia Soko la Jumuiya ya Afrika Mashariki wakati soko la ndani bado bidhaa zinazozalishwa zinawekewa vikwazo.

WIZARA YA KILIMO:

27. MHESHIMIWA DUNSTAN LUKA KITANDULA (MKINGA):

Atamuuliza Mheshimiwa Waziri wa Kilimo:- Kata za Kigongoi, Mhinduro na Bosha Wilayani Mkinga zinalima kwa wingi viungo vya chakula kama vile Iiki, Mdalasini, Pilipili manga na Karafuu:-

Je, Serikali ipo tayari kuwawezesha Wakulima hao kupata mbegu bora ili waweze kuongeza uzalishaji wa mazao yao.

28. MHESHIMIWA MBARAKA KITWANA DAU (MAFIA):

Atamuuliza Mheshimiwa Waziri wa Kilimo:- Bei ya zao la Nazi imekuwa ikishuka kwa kasi kubwa katika miezi ya hivi karibuni:-

- (a) Je, ni zipi sababu za kushuka kwa bei ya zao hilo;
- (b) Je, Serikali ina mkakati gani wa kuokoa zao hilo.

WIZARA YA ULINZI NA JESHI LA KUJENGA TAIFA:



29. MHESHIMIWA MARYAM SALUM MSABAHA (VITI MAALUM):

Atamuuliza Mheshimiwa Waziri wa Ulinzi na Jeshi la Kujenga Taifa:- Shirika la Mzinga limekuwa likifanya kazi zake kwa weledi na uaminifu mkubwa lakini lina changamoto za vifaa kama vile mashine za ramani:-


Je, kwa mwaka 2019/2020 Serikali ilitenga kiasi gani cha fedha kwa ajili ya Shirika hilo.

IV. KAMATI YA MIPANGO:

WAZIRI WA FEDHA NA MIPANGO:

Kwamba, Bunge lipokee, kujadili na kushauri kuhusu Mapendekezo ya Mpango wa Maendeleo wa Taifa unaokusudiwa kutekelezwa na Serikali pamoja na Mwongozo wa kuandaa Mpango na Bajeti ya Serikali kwa Mwaka wa Fedha 2020/2021.

(Majadiliano yanaendelea)



DODOMA
06 NOVEMBA, 2019

S. KAGAIGAI
KATIBU WA BUNGE